

武鄉縣志

重修武鄉縣志序

武邑志自康熙三十一年重重修迄今九十有八年矣時屆重熙風教之涵濡無遺下里光依

復旦人文之炳郁不間一隅每逢報政之歲前令之循績可師亦越掄才之期多士之科名足羨兼以德著彝常文歸典則發潛光於耆宿表淑志於深閨皆足以上維教令下振風俗而或未登簡冊無以備輶軒而光史乘伊誰之責余甫蒞茲土即欲續增成編以補前志之所未備顧自揣不文未獲登作者之堂是以拳拳於心閱八載未敢操筆然分終無可辭迺擇日集僚屬延本邑紳士素所信者謀取舊志而增修之皆欣然樂襄茲舉旋即分類並輯上稽歷史旁參舊聞並諭各鄉長廣應軼事以

武鄉縣志

序

一

收散失而余亦時於公餘之暇共相商確務期允當不三月而稿成將謀梓矣諸公請余言以弁其首竊謂武邑崇山峻嶺土田磽确無平原沃壤可資富饒然其俗淳樸男耕女織積年無遺欠讀書多俊秀擢巍科履仕版者纍纍不絕官其地者但能如其俗與相休息即可盡職焉余賦性無華與其土尤相宜是志之修非以侈聲譽也事取其詳語歸於實其已載前志者約略悉仍其舊即間有更易祇緣相沿成訛自應悉心校正以傳永久至前志所未及載而今乃補之者閱歲既久敘述頗繁亦未敢稍涉敷陳自謂瞻博母亦惟是官紀其仁士著其遇出則考其猷爲處則觀其述作言規而行矩其品可欽守高而志一其節足尙第使見者生敬聞者生慕則感發興起之風於是乎

在而又何鋪張揚厲之足云諸公其以余言爲然乎否是爲序
旨

乾隆五十五年歲次庚戌十一月望日文林郎知武鄉縣事加
三級白鶴長白山人薩克達氏秀千甫題於署之曠然樓



武鄉縣志序

秀千明府白公蒞任之八年於武邑風土民情既灼然有以周知其故而其教令所及務與民休息相安而民亦樂與安之而不忍違所古稱良有司之風殆庶幾焉余假歸在籍嘗於晉謁之下聆其言論肫懇盎然流溢於容色作止之間其至性有過人者一日談及邑志前明以往作者無可稽溯我朝順治二年臨沼李公芳莎曾經纂輯祇緣兵燹之後摺撫無從未免畧而弗脩康熙三十一年三韓高公中舍復加增修是時民物康阜典籍彰明乃克完善迄今將近百年叨

聖恩於疊沛樂利駢臻仰

帝治於重熙人文蔚起凡可登諸簡冊以照示來茲者視前倍有

武鄉縣志序

序

一

加矣自非及時續增恐異日淪失莫考或亦守土者之責也公於是毅然自任而屬操筆於余余甚難之竊謂邑志與國史同國史所論列者邑志悉具故國史待邑志以成武本小邑而山川廣袤之形田賦高下之等政治繁簡之故俗習淳澆之由官其地者考績蜚百里之聲生其土者登俊廣三途之進逮夫一德一行之長爲閭里所稱述亦必特加表揚以示鼓勵我

國家省方問俗之至意莫踰於此不綦重與維時魏公孟和出其先君子一峯所著武志續稿條理井然原委胥備復延邑中能文諸友相與共襄此舉余既幸得所先資而又商確多人乃敢應命爰借諸同事即前兩公舊志並續稿所增入者

重加檢閱復上稽歷代各史及省郡各志互相參質俾歸畫一其規制仍遵舊志而義關去取間亦出以己意者但求有合於敘述之旨則無爲從同也至舊志所未及載俱照續稿所增依類第次而閱時既久耳目難周且續稿亦有未及增入者因廣搜博考兼諭各鄉長諮訪故老隨所記憶羅厥散失每一成帙必與公細加研究不憚再四以求允協蓋採取惟期其詳而折衷必歸於當於焉化民成俗一邑之風教攸關因之考獻徵文曩時之典型俱在條分二十有九卷總以六將謀梓矣既冠公序於首而余與同事諸友亦得附載數言以記斯誌之始未云爾邑進士歷任山東濟南府知府史傳遠伯猷氏題於輯山書院之寓室時乾隆五十五年

武鄉縣志

序

二

十二月三日也



重修武鄉縣志引言

縣之有志所以紀盛衰徵疑信非徒摘華揚藻已也其間景物之互異俗尚之遞遷形勢之屢更與夫人文忠孝節烈之傳聞而流播雖一二十年間且時升而時降況中隔百餘年之久而不補亡拾缺重爲修輯後有作者幾何不撫積篋陳編而悼歎於墜緒茫茫之不可問也武邑之志可考者始於萬歷邑令張公諱五美至

國朝順治二年前令台辰李公諱芳蒞重修焉博大精渙典瞻詳要洵爲奕世模楷踵而行者第續以補之足矣逮康熙壬申前令中含高公諱猷又一修焉輾轉因循遂沿於今興廢之以可勝道哉癸卯冬我

邑侯白公下車伊始凡生民之利病政治之源流一切諸大務靡不焦心勞慮期於百廢俱舉而後已庚戌因公接見話及邑志謂自雍正辛亥奉

旨勅修各州縣多所更新武雖編小而科第連綿尙稱人文藪胡再不謀余因言甲午先嚴府君告病家居思襄其事廣搜博採彙爲四冊而大半取裁於李明府之舊本時縣令張公諱五典蓋鉅手也亦毅然以爲己任嗣先嚴即世張公亦以他務掛冠

武鄉縣志 序

五

故爾未付剞劂迄今又二十餘年矣幸蒙詢及脫稿猶存願脩大匠之庀材而飭用焉遂延史公進士傳遠家督布經大成共相籌畫曰余自蒞武八年於茲每翻舊帙趣殷然以增修厪念特執掌塵塵而未有暇也抑風俗人心攸係綦重而未易操觚以從事也今得魏公粉本再四披閱規模已具從而討論修飾訂爲一書此固宰斯土者之責其何敢多讓爰集邑之賢而能文者或搜羅或增添或較對而余亦倖從諸公後纂修彙輯凡閱三月而功於以竣夫落落百餘年來其爲變更也屢矣臨文興歎不無杞宋之感一旦因者因革者革而並詳從前之所未及微我

邑侯白公虛心諮訪不遺封非一破築室道謀之見而俾立章程已中縱有一二好古之儒欲舉而修明之非格於勢禁即阻於怨望有日聽其塵封焉而已烏能綱舉目張展卷瞭如用以信今而傳後也哉

時

大清乾隆五十五年十二月三日庚子科亞元揀選知縣魏大履仲坦氏謹書

武鄉縣志元序

萬歷丙午歲五美張公宰是邑季父廷尉公養志其半子余從外祖也邑距吾鄉臨洛三百里竊從季父聞其梗槩雖貧敝禮義節俠範旁所錯諸州邑張公輯志告竣於己酉芳蒨時八歲及長讀其書如遊其地神交諸名貴有年矣

本朝定鼎初年仲冬芳蒨應薊撫兩恭宋公齊薦探籌是邑同儕憂其葢陋恐以逋賦累屈指楊程諸僚咸不獲登啟事余弗深計曰處膏腴而不能自潤寧小而逸乃大而勞乎會大族魏程諸公苦偽政酷虐賊騎復盛爲疑兵窺浦曲南微望新恩如乳下兒待哺自哂瞻蓬何足齒乃人情爾爾或以余布恩而來者敢舉衆望乎拮据方五閱月察厥利病可得而言如彼先朝以宗支不億遞科王糧已秦晉豫遼濟師溢爲三餉名雖不同總居正賦之外今三餉蠲矣獨王糧未除且作賓三恪猶供億無以爲名此武鄉之害一也權店置郵自明季節裁餉率下逮皂棧輿舁削其費大半勾攝馬圈如捕重囚逋訟株連蔓引且以楚檣臨之若屬何罪此武鄉之害二也屬員節定相餉檄赤資胥馳獻題糕角黍屠蘇餽蒞之屬懷

武鄉縣志元序

六

竊其半內鳴而代之驚嬰趙而滑以魯歸則詫物力騰貴丐直倍蓰博一酬呼弊之宜更者此其一縣距權店百五十里梅驛既焚行旌頓於闌若極目荒山燎鐸不戒館夫庖人既非孝子順孫但緩夏楚轉輿使星無所不至或晦夜呼燈袖出燭跋如螢積雪嚴霜烏薪不繼楊水火弱醴酒三行羹未盡而鑠斧有聲腥突來而下箸無處一呼則蹶再呼則喘顛啞控胥果其腹而令厚其顏弊之宜更者此其二風俗崇祝由禱祀好巫鬼佞佛腥酒拂面鬚髻於思腕匣戒珠非釋非道婦不冠笄稚子幘屋內采問名任冰人口語既無題葉又鮮儷皮貧陋者流得以朝秦暮晉牙角無虛日弊之宜更者此其三苦乃名卿巨族禮讓相先子弟恂恂無鮮衣怒馬卑庠第宅而郊外倚山傍水節略開園河近吹竈林密郵鳥地頗宜松花石相間時出觀遊醫簿書俗氣一快也孝廉學博安貧樂道焚膏繼晷詩馳灞橋雪中志寄芙蓉鏡下過從偃室語不及私可借以彌縫匡救聞所未聞二快也山勢崆峒河流奔放野花雜藥靈醪撩人人民椎魯寒暴影駭饑饉蠶蠟蕨隨地取給有標枝野鹿之風縣治以東林木翳蒨柯葉蒙糾偃僂出入秋深霜落五色燦

然詩料如許逸興軒軒霞舉不倦三快也府史與皂隲詐踵至然五枝易窮無巨猾大慙挾吏短長進退筆曳懾伏有餘群鳥雀窺禾蘇東草爲人則審顧不下無足深憂郭西泉水甘潔可瀹旗槍酒赤黃作琥珀色味重濁苦烈佃圃糞多力勤蔬菹滑肥膩如膏一醉一飽所費甚廉不銛距而隱情出不簡墨而草竊銷四快也夫害二弊三快四所樂不足匹所憂眉舒縮半心嚙遂結轡半以是風韻鄙鎖文章吏事亦略相半然非文章無以飾吏事非邑乘無以寄文章乃邑乘自張公纂集後缺略三十七年披閱舊書欲一筆削而吏冗如蠅幸少司空鳳菴程公獨任總袋魏孝廉星杓自主椽筆勞怨居十之九趙進士平符杜孝廉卅邱程拔貢崑崙陳恩選景臯併彬彬大雅讐校不遺餘力至東壁圖書則李生之任右相丹青則魏生彌大賢弟駟字擅鍾王則陳生曰喜另目紀績首季生正興魏生初盛及弟閭大趙生夢麒張生幼學贊之芳莎得以參伍折衷出四小序併諸文告詩歌諸公忘其俚溷弗代藏拙濫災黎棗敢攘衆勞爲已有乎然是集計資百金皆芳莎經營募募不兩月而粗定鉛黃殺青已具小勞附大典以光或以藏山或以

武鄉縣志

元序

七

覆甌斯權在後人矣

重修武鄉縣志舊序

高 鉉

郡縣之志所以佐國史者也古者太史輶軒以觀民風採其事以上之天子天子命其臣書之方策垂示後世厥典重矣周衰諸侯各自爲史秦廢封建立郡縣漢唐因之而郡縣始有志每當國家修史時必博徵天下之志以考同異參得失故曰所以佐史也顧史略而志詳史嚴而志寬史有專職而志無專官方今聖明御宇率士皆臣往歲

勅命儒臣纂修一統全志甚盛典也武鄉雖僻陋要爲股肱近地鉉不敏承乏茲邦八年餘矣夙夜兢兢恆以不稱厥職負

天子愛養元元之意是懼獨念此邑自三廢三建來頻經喪亂自明以前無專志遙始作志者自永年張公五美其時爲明之萬曆再作志者爲李公芳蔭與張公同里其時爲

本朝順治之乙酉自乙酉至今四十餘年夫此四十餘年中天時之盈虛人事之盛衰物產之榮謝更變不知凡幾自非重加纂輯一旦

武鄉縣志

舊序

八

天子搜羅舊聞將何以應三十一年春特延邑生魏名振趙鐸寶飛龍李嘉賓李光春史珣關鍵李勵武九卿趙之相程康寫太學生崔懷璽等採訪遺事彙繳於鉉吏治之暇進退筆削幾於廢寢忘食閱三月而告竣前列凡例三十二條後分門類四十條而每類有總叙有總論人物則尤加意故一人有一傳一傳必有一論至後復繫以總論然猶恐朴陋無文貽笑士林適雲間宋子兩臣名蒼霖瞿子又陶名潛者館於荒署因而互訂是非庶免訛舛夫昔人修志往往假手本邑紳士而本邑紳士則未免易於取怨倘畏怨而少爲通融難成信史鉉既重其事因曲諒紳士所以獨任而不辭異日者輶軒所至省方問俗或可藉以少補云爾

邑人程啓南舊序

說者曰邑之有志即一邑之史也會須仰法春秋懸之國門以千金易一字不得乃稱作者愚謂史與志未可作平等觀史當其難志居其易春秋或筆或削聖人以義裁之或褒或貶聖人以真斷之知我罪我聖人以身任之況春秋無義戰貶存乎見多則其罪轉甚可畏哉其難可知已後之良史必推遷固雖以邳都之功兩史俱入酷吏之科則其不憚罪我又可知已若夫志槩無貶辭得一善則罪罪玉屑落楮成錦閭閻幽芳遐邇節俠闢發無遺而三諱行乎其間此隱惡揚善之書也誰不感其受知至於山川草木會心處即圖爲景飛瀧珠璣載歌載咏卷石亦爲之點頭有勝情者足不躡備臥遊焉其樂只且伊誰罪我匪直我武爲然試觀一統志與廣輿記皆然耳竊念八景之外其苦千百以分野論則禹貢以內海經以外我武不過一曲之彈丸以計畝論鄙邑七山二水僅一分土之多麓之下層累而上易疇不滿數武如棧道然語云水無涓滴皆爲用山到崔嵬盡力耕其我武之謂乎當斯煨燼之餘幸逢茲季父母如傷之切曉暢時宜善謀善斷且

武鄉縣志

舊序

九

博學而詞足以發凡文告即是休嘉我邑人惟祈去虛懸仍舊貫毫無損於國大有補於民請申其說如王糧六千餘兩從未開徵本縣之赤歷可查從未起解藩司之收簿可查况今無邊警將無邊費尤式望下捐租之令我武虛懸之數原非邊額所謂去之無損於國者此也屯糧徵解州縣各屬忽逆闖蓋右武秩戕軍虐民將屯糧錯壤混分亂政亟行寧足爲訓且折色有定數寧忍回十遺而倍之所謂舊貫之當仍者此也至權店驛馬苦不勝言然未去其害馬者則其害不可止即如僉報馬戶一節曩時有驛丞邵姓者視爲奇貨不已又假手猾吏採訪苛求但藏饒粟誣以程糴就巾去取錢神憑焉朝甲暮乙塗竄相仍邑人譏爲脫稿榜花生斯驛者如陷苦海無復望其揚塵矣蓋上臺未知苦猶可望其轉聞以俟解懸於異日今汾府李公祖有馬戶里派之文直指黃公祖有兌解馬糧之議若先得我心之同然冒昧之條陳俱在也但里派未厭衆心兌糧尙無實着陳人爲地方計謹饒舌於志以志原爲地方設耳噫權在斯人者不可必而吾黨可必者曾是不羈緬想余爲諸生時相邀不知茶案頭無果鬻前無幃一飽而止佳酒無

量興闢不措而散真率相忘溫公明訓也其後民風自北而南初曰蘇意既又戲曰傲蘇強北爲南不可由儉人奢又不可之大者余中人以下姿二酉未窺一韻罔識敢登作者之林惟三官妙經多所襲侮遂詳敘其根因以受其神其諸狐廟碑記多所割裂遂詳傳義以解其疑非好辨也前大中丞魏公諸哀取二作人於志然兩祠各序片石似無容再爲災木吾老矣不能得侍塵下姑留老人言斥名於尾

武鄉縣志

舊序

十

修武鄉縣志例言

縣志在前明無考

本朝以來李公臺辰修於順治乙酉高公中含修於康熙壬申至雍正戊申少江張公又修之而未就時及百年其闕略者多矣簿書之暇思爲甄緝因延邑中之能文者共勸其事義例一本前人而分合增減間出新意不敢苟異亦無取雷同也覽者詳之

有舊無而今有者疆域既分界畫而道路之經由關隘之險要皆守土者所宜週知人物中有忠烈寓賢尤關人心風俗之大允宜別分門目今新定

有舊有而今無者公儀具在會典非一邑之私言舊志所載軍器今已無一存者亡固不可爲有也佞幸傳誌石氏一弄兒人既非武產事尤不雅馴亟削之

有舊略而今詳者權店設專防實脩禦之要計郵遞尤有司職守大者舊志於田賦門中略舉兵餉站支而兵額夫馬之額俱未及詳又倉儲關乎民食而積貯之數舊志亦不具今始分門詳列

武鄉縣志

例言

十一

有舊詳而今略者田戶賦起運存留之款現行則例與曩日迥不相同則照現例編載而舊志運留之額目及節年裁汰諸項第爲撮存大略不復詳書

有舊分而今合者孝子義士之分爲二文苑字苑畫苑之分爲三豈無一人而孝義兼備文統皆優者似難劃然分別又如碑記詩賦之屬統之以藝文而各以類叙他郡縣之志皆爾今亦以之

有舊合而今分者仙釋附人物之門寺觀雜壇廟之內夫二氏之教與吾儒原不相涉侈談靈異亦非不語怪之旨也今別爲詮次而統之以外志

有緣舊志而增者此類甚夥如職官選舉之姓名公署城池學校之修建前不得減後不敢不增也又如田賦丁徭之遞更必依年次補不使稍外漏山川古蹟亦視舊加詳焉其他宜補者皆稱是

有考 他書而舊志從刪者人物不載潘美名宦不載傅仗崔宏度但志封爵而削其宦蹟風雷將軍別錄小傳而封爵名宦兩條俱不列此皆義無可疑並非妄事

刪削

名宦人物之增入者百十年來不過三數十人皆徵諸輿論卓卓可稱道稍涉疑似者弗錄蓋其慎也余守土八年頗諳舊聞茲役也採訪之勞與邑人共之而斟酌去留未敢多讓知我罪我任之可也

現在之人不入人物現在人之文不入藝文非矯也方望溪選文之例謂文章一道與年俱進故其人現存者概不入錄沈歸愚之選詩亦然詩文且爾况學問功名之大乎若孝子節婦取一節之奇者不用此例

風塵作吏著述無長勉與諸子考獻徵文舉數十年之墜典聊云塞責敢曰愜心尙望 高明匡所不逮焉訂殘補闕期不謬於昔賢踵事增華尤所望於來者

長白山人秀千甫識

武鄉縣志目錄

長白白鶴秀千甫重修

卷首

叙文

凡例

原修姓氏

重修姓氏

圖考

卷一

建置

星野

疆域附里甲

鄉約

村鎮

山川附橋梁

武鄉縣志

目錄

一

關隘

城池附街坊

堡寨

公署

學宮

祠廟

卷二

貢賦附倉儲

鹽法

物產

兵防附武事

置郵

風俗

災異

古跡

塚墓

封爵

職官

卷三

名宦

選舉

進士貢生

舉人例貢

武科掾吏

封贈

人物

文苑

忠烈

孝義

隱逸

寓賢

列女

外志

仙釋

寺觀

異錄

武鄉縣志

目錄

二

卷四

藝文上

前代御製

疏

書

議

記

序

辨

藝文下

傳誌

賦

詩

武鄉縣志原修姓氏

本縣知縣加一級三韓高 銑中含甫重修

典史山陰龔 立定侯氏

權店驛丞餘纁黃元燮贊宸氏全督刊

本邑庠生魏名振玉依

趙 鐸趙州

竇飛龍潛之

李嘉賓燕之

李光春伯和

史 昭季昭

關 鍵文瀾

李 勵睿將

武九卿正笏

武鄉縣志

姓氏卷之一

一

趙之相又如

程康烏孟旋

太學生崔懷璽獻廷全採輯

魏君待聘之

杜雲林楚材全較字

武鄉縣志重修姓氏

總修

知武鄉縣事加三級秀千白鶴

參閱

儒學教諭衣柳吳克成

督刊

典史加二級若衡周作銓

城守外委把總瑞符李祥光

纂輯

邑進士歷任山東濟南府知府伯猷史傳遠

分輯

邑舉人仲坦魏大履

邑舉人儀廷魏鸞翔

武鄉縣志

姓氏卷之一

一一

邑舉人翌聖武揚休

校對

邑歲貢生鑑堂韓丹桂

邑次貢生漢章閻雲岫

邑太學優生玉美李文傑

邑廩膳生員尊一魏殿爵

邑附學生員書田趙文臺

邑太學生吉士李藹

採訪

邑增廣生員漢三郝人傑

邑太學生生煥然安文德

總理

邑布政使司經歷司孟和魏大咸